

*Argia* sequitur; hodie *Romania* Ort. Vrbes huius tractus *Micena*, regia Agamemnonis, unde Ovid. *Agamemnonia*, dictæ celebres à templo Iunonis vetustissimo, unde Argiva Iuno. Eam Cyclopes muro scribuntur cinxisse, ἐγχαίροισι ἀπὸ τῆς ἀρτέως, ab arte quam exercebant nuncupati. Non procul inde fuit *Lerna* palus, ubi Hercules Hydram *Lernaam*, seu potius latrones ad ea loca latrocinantes, sustulit, vicit & dissipavit. *Argos* exstructa, ut aliqui perhibent, ab Argo πέντε πηῖν illo; nam *Centum luminibus cinctum caput Argus habebat*, Poëtarum carminibus Agenoris Regis Phœnicia filio celebrato. Aristoteles inter CL Respub. quas Diogene teste descripsit, Argivorum etiam Republicam depinxit. *Nauplia* dicta δὲ τὸ ἔναυσον πρὸς τὴν ἑσπέρην, id est, quod huc navibus applicetur, ut ait Strabo: vel quod hic *Nauplius* Neptuni & Amymones filius regnavit; hodie *Neapolis* Romanæ urbis munitissima. Post *Naupliam* fuere *Labyrinthorum* ædificia & specus ingentes. *Epidaurus* in Saronici Sinus recessu, Æsculapii templo celebris referto tabellis, ab eo, ut homines superstitiosi credebant. Curatorum consuetudo erat ut noctu ægroti in eo dormirent, atque hoc modo in somnis à Numine curari dicebantur. Fuere item *Hermione*, ubi nobile quondam Iunonis virginis templum. Hanc Strabo inter claras Argiæ civitates ponit: *Træzen* sacra Neptuno, atque ideo dicta *Posidonia*, & alia. *Argiam* sequitur *Laconica* sive *Laconum* regio, in quorum ditioe Strabo, præter Spartam triginta urbes fuisse testatur: superioribus autem temporibus centum, atque ex eo dictam *Hecatompolim*; sed & *Hecatombas* propterea, quod pro urbium numero boves C immolarentur. Metropolis *Sparta*, quæ etiam alio nomine vocatur *Lacedæmon*, hodie *Misithra*, urbs olim magna & potens, quam idcirco etiam κητέσσαρον vocaverunt. Fuit hæc ἀπίχιστος, non muris, sed civium virtute septa, non hinc operum magnificentia, sed disciplina institutisque Lycurgi Pomponio memorabilis, & quæ cum Athenarum urbe deinde de Imperio dimicavit, quemadmodum Thucydides id libris 8 exposuit. Spartani fuere *Lyxander* & *Agefilæus*. *Lycurgus* vero leges Spartanis tulit. *Leuctra* nota è Plutarcho à filiarum Scedasi tristi & tragica historia. *Epidaurus* quæ hodie *Mabasia*, *Amicla* olim λίμνη. *Messenia* à Taygeto monte & fluvio Pamiso ad Alpheum usque porrigitur. Primaria ejus urbs *Messena* ad mare sita, hodie *Mattagia* dicitur: *Aristomenis* Messenii præstantissimi viri patria, qui referente Pausania, hirsutum cor mortuus habuisse deprehensus fuit. Sunt & *Methone*, nunc *Modon*, insignis quondam & nunc Sangiaci Turci sedes. *Corone*, nunc *Coron*. *Pylus* patria & sedes Nestoris Homericæ trisecli illius & dulciloqui, ἔξ ἧς δὲ τὸ γλώσσης μέλις ὁ γλυκίον ῥέειν αὐδῆ. Et cujus tota senectæ, ut scripsit Philostratus, hilaris & læta fuit, ridentique simillima. Dicta quoque fuit *Sphaacteria*. Et *Cyparisti* hodie *Arcadia*, urbs magna

Grecia.

ritima. *Elis* inter Messeniam, Achajam & Arcadiam sita est. Vrbs *Elis* per quam mediam Peneus & Alpheus fluebant, memorata Iovis delubro, ludorum claritate fastos Græcorum complexa. Pindari autem interpretes *Elidem*, *Pisam* & *Olympiam* in unam urbem contrahit, alii vero distinctas esse volunt. *Olympia* celebris à ludis Græcorum solemnibus, quæ *Olympia* dicta fuere, & templo Iovis Olympii sumtuosissimo, quod hominum frequentia potentissimorumque Regum donariis adeo crevit, ut in tota fere Græcia nullum fuerit magnificentius, nullum clarioribus opibus, nullum fama magis celebre, cum etiam Iove ipso nihil ibi putaretur sanctius, nihilque augustius. *Cypselus* Corinthiorum tyrannus, Iovem totum aureum Olympiæ consecravit. Sic conglobantur gazæ Macedonum in unius idoli oraculum, & hoc quidem per se mutum. Nec minus dementiae rabies Phidiam Atheniensem agitavit, qui simulachrum ejus Dei ex ebore & auro stupenda & insolita magnitudine erexit, utpote pedum 60. In quo opere illud ab aliis artificibus reprehensum, quod simulachri ad templum nulla esset proportio. Cum enim in eburneo throno sederet Iupiter, capiteque templi fastigium contingeret, necesse erat, si quando sedendo defatigatus eburneus ille Deus surgeret, ut templi culmen una cum tecto dejiceretur. *Cyllene*, *Leprinus*, *Coryna*, *Myrsinus*. Achajæ ab Ptolemæo *Propria* cognominata, ab Araxo promontorio usque ad Sicyonios extenditur, quorum terminus communis est fluvius Sus; ad Austrum est mons *Stymphalus*, ad Septemtrionem Sinus Corinthiacus. Vrbes *Dyme*, quæ nunc *Chiarenza*, unde promontorium Araxeum vocant *Capo di Chiarenza*; *Olemus*, *Patras* urbs insignis olim nunc *Patras* dicitur; *Egium* urbs recentioribus temporibus *Vostiza* vel *Bostizan* dicta, & à Turcis excisa. *Ægira* urbs quondam primaria in colle aspero atque difficili posita, quæ nunc diruta jacet & *Xilocastro* dicitur. Et in *Crisæo* Sinu *Helice*, *Bura*, *Pellene* *Sicyonia* inter Achajam & Asopum sita; primaria ejus urbs *Sicyon*, omnium Græcarum urbium vetustissima, & tempore Abrahamæ condita, templis, aris, statuis, simulacris plenissima. Fuit & *Phlius*, quæ forte ea est quam hodie vocant *Vasilicon*. Superest *Arcadia* regio Peloponnesi mediterranea, undique à mari remota. Hæc aliquando dicta est *Pelagias*, aliquando *Lycaonia*, aliquando *Gigantis*, aliquando *Parrhasia*. Incolæ se ante lunam fatos jactabant. Montes habet 76, valles fertiles & amœnas, incolas olim rei pecuariæ deditos & agriculturæ. Hinc ista, *Arcadicum pecus*, *Arcadici mores*, Ἀρκαδικὸν βλάστημα. Hujus urbes *Megalopolis* patria Polybii gravissimi ac sapientissimi scriptoris. Hodie *Leontari* dicitur. *Stymphalus*; unde *Stymphalis* palus, & aves *Stymphalides*, ἀνδροφάγοι, ἢ σιδηρόπτεροι Pausaniæ. *Lilæa*, *Mantineia*, *Psophis*. Civitates autem totius Peloponnesi nobilissimas, quasi compendio complexus

E

plexus